

# LA QUOTIDIANA

FMR Fundaziun Medias Rumantschas, Via da Masans 2, 7000 Cuirra, 081 544 89 11, redacziun@fmr.ch



## Sumvitg: Nov spazi d'abitar per lavurers

La vischnanca da Sumvitg vul stgaffir ina zona speziala per abitaziuns a Rabius.

Pagina 5



## 110 000 francs per Origen

Per las producziuns da questa stad sustegna la Pro Origen - in'uniun cun 1500 commembers - l'Origen Festival Cultural cun 110 000 francs.

FMR FUNDAZIUN  
MEDIAS  
RUMANTSCHAS

südostschweiz

## GRISCHUN

### ADHS pertutga er ils creschids

La Caritas dal Grischun vul contribuir a la discussiun avarta davart il disturbi da ADHS (sindrom da deficit da l'attenziun cun iperactivitad) e tschertgar respostas a dumondas da pertutgads e da confamigliars, da persunas da la medischina e da la tgira. Perquai intent organischa la Caritas dal Grischun in'ocurrenza cun in film, in referat ed ina discussiun davart ADHS. Referent è in dals enconuschents experts da ADHS, il psichiater *Heiner Lachenmeier*, ch'è er autur da pliras publicaziuns davart ADHS. Envers la FMR di Heiner Lachenmeier che ADHS na saja betg ina malsogna, mabain ina disposiziun. Tenor il stan da savida dad oz saja quai ina disposiziun che vegni dada enavant genetica-main. (fmr/mg)

Pagina 2

## SURSELVA

### «Semna era Ti lungatg»



Il secretari general ad interim dalla Lia Rumantscha, *Andreas Gabriel* (sen.) en discuors cun *Christian Rathgeb* e sia consorta *Monika*.

FOTO HANS HUONDER

La casa da cultura ed art Cularta a Laax muossa il mument l'exposiziun ambulonta «Rumantsch è ...» La sonda eis ella vegnida aviarta. Ella cuntegn elements visuals ed auditivs, intervistas e re-suns da Romontschas e Romontschs. All'avertura ei era igl iniziand dall'exposiziun, igl anteriur cusseglier guvernativ *Christian Rathgeb*, staus presents. Romontsch ei per el: «Svizra, in bein cultural prezius.» Il secretari general ad interim dalla Lia Rumantscha, *Andreas Gabriel*, ha fatg entgins patrats davart la situaziun dil romontsch e ha appellau: «Semna era Ti lungatg.» L'exposiziun ei vegnida realisada ein incarica dalla Lia Rumantscha, responsabla persunter ei *Anna Rita Stoffel* stada. Da veser en quella ei era la carta geografica dalla Svizra da *Donat Caduff*. Tuttas vischnauncas portan in num romontsch. (fmr/hh)

Pagina 5

## GRISCHUN CENTRAL

### Radons dovra neiv

«Radons dovra urgent indrezs da far neiv» – chegl è sto egn digls temas centrals dalla radunanza generala dall'organisasiun turistica «Anavant Surses». Chella unescha sagond-indigens ed igls indigens da Surses ed ò igl intent da tgirar e promover igl contact tigl giasts. Egn da chels giasts è *Marcel Leupi*, igl «motor» dalla dumonda quant anavant tgi Savognin Pencilularas SA ed igl cumegn da Surses seian cun ena soluziun per annavar igl territori da skis da Radons. *Leo Thomann*, mastral digl cumegn da Surses e mademaintg preschaint alla radunanza ò detg tgi d'annavar igl territori da Radons seia adegna puspè en tema, e tgi la viglia da catar ena soluziun seia avant mang. (fmr/gns/sab)

Pagina 8

## Acquirer giarsunas e giarsuns

Da gövgia fin sanda passa ho la Scoula professiunela Samedan invido a la nouvevla exposiziun da misters. Ed uschè sun gnueus preschantos illa sela polivalenta a Samedan passa 50 giarsunedis. Ma per quels maunchan vi e pü ils giarsuns e las giarsunas.

MARTINCAMICHEL/FMR

Gövgia e venderdi passo haun chatto passa 1000 scolars e scolaras da l'Engiadina e da las vals dal süd la via a Samedan per l'exposiziun da misters. Ed in sanda s'ho la sela polivalenta implida cun bgeras famiglias interessadas. Eir la nouvevla ediziun da l'exposiziun da misters vaiva l'intenziun da musser las pussibiliteds a regard la spüerta da giarsunedis illa regiun. Ma sajan que ils affers, scu eir la scoula industriela, tuottas duos sun pertuchedas d'una diminuziun da giarsuns. Uschè s'ho il numer da scolars e scolaras a la Scoula industriela Samedan diminuieu

«Pel mumaint es que magari difficil e las annedas vaun inavous.»

Gian Carlo Simonelli, mneder da la Scoula professiunela Samedan

da var 300 l'an 2021 sün actualmaing 170. «Pel mumaint es que magari difficil e las annedas vaun inavous. Impü vaina d'acumplir dal chantun our tschertas cifras, uschigliö ans pigliane davent quel mister», disch *Gian Carlo Simonelli*, mneder da la Scoula professiunela Samedan. Uschè vain surprosem an stricho, causa memma poch as annunzchas, il giarsunedi da furner/conditer. Ed impü sun pel mumaint tenor il mneder da scoula eir pericitos ils giarsunedis da bos-cher e cuaffösa. Uschè ho la spüerta da la Scoula professiunela Samedan as diminuida da 14 giarsunedis avaut desch ans sün set l'an chi vain.

Pagina 7

«Sunter ch'igl implont fotovoltaic ei realisau, han differentas specias d'animals dapli protecziun ch'ussa.»

Suppona il president communal da Tujetsch *Martin Cavegn*. – Pagina 3



FOTO MAD

## Cuosts da 40 tochen 60 milliuns francs

Igl implont da fotovoltaica SedrunSolar sur Selva-Tschamut vegn a custar denter 40 e 60 milliuns francs, sch'el sa vegnir realisau. Quei sorta d'ina emprema calculaziun groppa che l'Energia Alpina ha fatg. Lezza preveda d'ereger quei implont sin ina surfatscha da 18 hectaras. Quel duess lu furnir electricitad per rodund 5000 casadas. Entochen la fin da settember vul l'interpresa inoltrar la damonda da baghegiar. Dacuort ei in indrez da test vegnius mess en funcziun. (fmr/hh)

Pagina 3



Servetsch d'abunents e da distribuziun: tel. 0844 226 226  
mail: abo@somedia.ch

9 771424 749004